

Jahić dr Mehmed, redovni profesor Ekonomskog fakulteta u Sarajevu, predsjednik
Bašić dr Meliha, redovni profesor Ekonomskog fakulteta u Sarajevu, član
Jahić dr Haris, vanredni profesor Ekonomskog fakulteta u Sarajevu, član

VIJEĆU EKONOMSKOG FAKULTETA U SARAJEVU

Rješenjem v.d. Dekana Ekonomskog fakulteta u Sarajevu prof. dr Meliha Bašić, broj: 02-3201/2018 od 12.06.2018. godine, imenovani smo u Komisiju za pripremu prijedloga i Izvještaja o izboru 1 saradnika u zvanje asistent, puno radno vrijeme, po raspisanom Konkursu koji je objavljen u dnevnom listu „Dnevni anaz“ i web-stranici Univerziteta u Sarajevu i web-stranici Ekonomskog fakulteta Univerziteta u Sarajevu, dana 12. maja 2018. godine, na oblast „Računovodstvo i revizija“.

Na raspisani Konkurs prijavili su se sljedeći kandidati:

- Dijana Rađo, MA
- Elizabeta Siljanovski, diplomirani ekonomist.

Na osnovu prijave, kratkih biografija, uvida u priloženu dokumentaciju, pregleda i ocjene naučno-istraživačkih radova, profesionalnih i pedagoških aktivnosti, Komisija podnosi Vijeću Ekonomskog fakulteta u Sarajevu sljedeći:

I Z V J E Š T A J

1. Dijana Rađo, MA

Dijana Rađo, MA, rođena je 1994. godine u Nišu, Srbija. Nakon osnovne škole kandidatkinja je završila Srednju školu – Quality School International Sarajevo (QSI).

Kandidatkinja Dijana Rađo, MA, je zvanje bachelor menadžmenta stekla 08.09.2015.godine na Ekonomskom fakultetu u Sarajevu, a zvanje magistra menadžmenta stekla 30.09.2017.godine na EFSA Master studiju, smjer Računovodstvo i revizija, ostvarivši prosječnu ocjenu 9,44.

Kandidatkinja Dijana Rađo, MA, je radno iskustvo sticala u firmi Bosnalijek d.d. Sarajevo u Službi korporativnih finansija i računovodstva, a jednomjesečnu radnu praksu u svojstvu administrativnog asistenta kandidatkinja je obavljala u periodu april-maj 2016. godine u firmi STARline Mercedes-Benz Vogošća. Iz priložene dokumentacije vidljivo je da je kandidatkinja Dijana Rađo, MA bila angažovana na više projekata, od kojih izdvajamo rad na projektu „Udruženje Generacije za Mir u Bosni i Hercegovini“, i to rad kao vođa istaživačkog tima za vrijeme GFP terenskog istraživanja (Avgust, 2015) u Sarajevu, Bosna i Hercegovina, sa sljedećim obavezama: Pružanje asistencije sa organizacijom smještaja GFP HQ uposlenika i GFPI istaživača (delegacije iz Jordana – GFP Jordan); Zajedno sa GFP uposlenicima odabrali i

organizovati ispitanike za istraživanje; Zajedno sa GFP uposlenicima organizovati lokaciju gdje će se istraživanje provesti; Pružanje asistencije sa zakazivanjem istraživačkih intervjua, fokus grupa, i radionica; Konfirmacija budžeta sa GFP uposlenicima; Zajedno sa GFP uposlenicima i GFPI istraživačima finalno potvrditi odabrane ispitanike istraživanja; Liaison with GFP staff members and GFPI researcher to organise research materials (if and when required); Zajedno sa GFP uposlenicima i GFPI istraživačima osigurati da je istraživanje odrađeno na vrijeme, kao po dogovorenom rasporedu; Odgovornost za rukovanje troškovima koje snosi GFP u svrhu istraživanja za jela, osvježenja, i prijevoz za istraživački tim, uključujući i plaćanje naknade; Kompetencija (visok nivo) Bosanskog/Hrvatskog/Srpskog jezika i Engleskog jezika; Transkripcija audio snimaka sa intervjua, fokus grupa, i radionica u skripte sa Bosanskog/Hrvatskog/Srpskog na Engleski/i obratno; Predaja transkripcija skripti u formi Word dokumenata; Poštovanje ugovorenih rokova i sl.

Također, kandidatkinja Dijana Rađo, MA ima bogato iskustvo na poslovima volontera od kojih izdvajamo: volonter-predodilac u Ambasadi države Kuvajt u Bosni i Hercegovini, Sarajevo (septembar 2009 - juni 2012.); Volonter-pomoćnik pri organizovanju donacije za bolnicu u Pedijatrijskoj klinici KCUS Sarajevo (novembar 2010.-juni 2012. godine); Volonter- društveno koristan rad u Quality School International (QSI) (avgust 2010.-juni 2014. godine) i dr.

U prilogu prijave na Konkurs, kandidatkinja Dijana Rađo, MA, priložila je Certificate/Uvjerenja o poznavanju engleskog jezika, uz napomenu da je osnovno i srednje obrazovanje i I ciklus studija završila na engleskom jeziku, dok je Uvjerenjem o položenim ispitima na I ciklusu studija pokazala poznavanje rada na računarima.

Kandidatkinja ima značajno radno iskustvo u nastavno-naučnom procesu, budući da je od akademske 2016/2017. godine do danas angažovana kao demonstrator na predmetima Katedre za računovodstvo i reviziju, sa čijim radom su predmetni nastavnici zadovoljni.

Kandidatkinja je autor knjige „Računovodstvene politike budžeta u Bosni i Hercegovini od 1914. godine do danas“ i autor tri članka iz oblasti računovodstva i revizije.

Dijana Rađo, MA, svoje školovanje nastavila je na III ciklusu doktorskog studija, na Ekonomskom fakultetu Univerziteta u Sarajevu.

2. Elizabeta Siljanovski, diplomirani ekonomist

Elizabeta Siljanovski je rođena 1972. godine u Sarajevu. Iz priložene dokumentacije ne raspolazemo informacijom o završenoj osnovnoj i srednjoj školi. Visoku stručnu spremu stekla je na The University of Louisville u Sjedinjenim Američkim Državama na smjeru Kompjuterski informacioni sistemi, dana 11. decembra 2001. godine te nostrifikovala diplomu na Ekonomskom fakultetu u Sarajevu sa zvanjem diplomirani ekonomist.

Na osnovu uvida u ovjerenu kopiju Uvjerenja o položenim ispitima iz oblasti računovodstva i revizije, kandidatkinja je položila samo predmete: Osnove knjigovodstva I i Osnove knjigovodstva II, što su predmeti koji se u obrazovanju Bosne i Hercegovine izučavaju kroz plan i program srednje ekonomske škole.

Napominjemo, da na Ekonomskom fakultetu Univerziteta u Sarajevu kroz I, II i III ciklus obrazovanja na smjeru Računovodstvo i revizija studenti izučavaju 18 predmeta (računajući obavezne i izborne smjerske predmete), što konstatujemo da kandidatkinja Elizabeta Siljanovski, u pregledu položenih ispita nema niti jedan predmet položen prema nazivu i silabusu Katedre za računovodstvo i reviziju.

PRIJEDLOG S OBRAZLOŽENJEM

Uvidom u dokumentaciju dostavljenu uz prijavu na Konkurs, Komisija je konstatovala:

- Svi prijavljeni kandidati su uz prijavu priložili kompletne dokumente za izbor u zvanje asistenta predviđene Zakonom o visokom obrazovanju Kantona Sarajevo, Pravilima Univerziteta u Sarajevu i Pravilima Ekonomskog fakulteta u Sarajevu.
- Na osnovu uvida u ovjerenu kopiju Uvjerenja o položenim ispitima kandidatkinje Dijane Rađo, MA, Komisija je uočila da kandidatkinja ispunjava uslove definisane Zakonom o visokom obrazovanju Kantona Sarajevo, za izbor u naučnonastavno zvanje asistenta, budući da je kandidatkinja po završetku II cilusa studija ostvarila prosjek 9,44. Također, ističemo da kandidatkinja Dijana Rađo, MA ima potrebno pedagoško iskustvo kroz rad na demonstratorskim vježbama u dvije školske godine na predmetima Katedre za računovodstvo i reviziju Ekonomskog fakulteta Univerziteta u Sarajevu.
- Na osnovu uvida u ovjerenu kopiju Uvjerenja o položenim ispitima kandidatkinje Elizabete Siljanovski, Komisija je uočila da kandidatkinja ne ispunjava ni minimum uslova za obavljanje poslova asistenta na Katedri za računovodstvo i reviziju, kao što smo već naveli kandidatkinja je, iz oblasti Računovodstva i revizije položila samo predmete: Osnove knjigovodstva I i Osnove knjigovodstva II, što su predmeti koji se u obrazovanju Bosne i Hercegovine izučavaju kroz plan i program srednje ekonomske škole.
- Na temelju priložene dokumentacije i detaljnog uvida Komisija je stava da kandidatkinja Dijana Rađo, MA može uspješno odgovoriti zahtjevima poslova asistenta iz oblasti „Računovodstvo i revizija“.

Komisija je pri izboru u zvanje asistenta na oblast „Računovodstvo i revizija“ pošla od sljedećih pretpostavki:

- naklonosti i opredjeljenja kandidata na dodiplomskom i postdiplomskom studiju za oblast „Računovodstvo i revizija“,
- ostvarenim prosječnim ocjenama kandidata tokom studija, prosječnoj ocjeni iz grupe predmeta koji pripadaju oblasti „Računovodstvo i revizija“, kao i pojedinačno ostvarenim ocjenama na predmetima Katedre za računovodstvo i reviziju,
- iskustvu kandidata u nastavnom procesu,
- iskustvu kandidata u naučno-istraživačkom radu,

- spremnosti kandidata na zasnivanje radnog odnosa puno radno vrijeme, mogućnosti održavanja nastave – vježbi u terminima koje odredi Služba za rad sa studentima i planiranje nastave, te mogućnosti obavljanja dežurstava na različitim predmetima Katedre za računovodstvo i reviziju, kada se za istim ukaže potreba, kao i uspješno ispunjenje i svih drugih obaveza koje proizilaze iz zasnovanog radnog odnosa na Ekonomskom fakultetu Univerziteta u Sarajevu.

Na osnovu prethodno izloženog, Komisija je jedinstvena u stavu, da kandidatkinja Dijana Rađo, MA ima prednost da bude predložena za izbor po raspisanom Konkursu u odnosu na kandidatkinju Elizabetu Siljanovski.

Svoj stav Komisija temelji na: dosadašnjoj profesionalnoj orijentaciji kandidata, ostvarenom uspjehu na dodiplomskom i postdiplomskom studiju iz grupe predmeta koji pripadaju oblasti Računovodstva i revizije, dosadašnjem pedagoškom i naučno – istraživačkom radu, te pokazanoj uspješnoj saradnji sa kolegama sa Katedre za računovodstvo i revizija.

Na kraju Komisija predlaže Vijeću Ekonomskog Fakulteta Univerziteta u Sarajevu da

DIJANU RAĐO, MA

izabere u zvanje ASISTENTA za oblast RAČUNOVODSTVO I REVIZIJA, puno radno vrijeme.

Sarajevo, 13.06.2018.godine

Komisija:

1. Prof. dr Mehmed Jahić, sr.

2. Prof. dr Meliha Bašić, sr.

3. Prof. dr Haris Jahić, sr.
